

**Kerajaan Bantah Permohonan Peguam Batalkan Notis SPRM
Bernama
9 Ogos, 2012**

KUALA LUMPUR, 9 Ogos (Bernama) -- Kerajaan mengemukakan bantahan awal terhadap permohonan kebenaran bagi semakan kehakiman yang difailkan dua peguam untuk membatalkan notis oleh Suruhanjaya Pencegahan Rasuah Malaysia (SPRM) berhubung siasatan kes membabitkan National Feedlot Corporation (NFC).

Permohonan itu didengar pada Khamis dalam kamar di hadapan Hakim Mahkamah Tinggi Abang Iskandar Abang Hashim.

Peguam Kanan Persekutuan Effandi Nazila Abdullah mewakili responden manakala peguam R.Sivarasa mewakili kedua-dua peguam itu, Latheefa Koya dan Murnie Hidayah Anuar.

Kedua-dua peguam itu dalam permohonan mereka menamakan SPRM, kerajaan Malaysia dan penolong penguasa SPRM Suziana Ali sebagai responden.

Latheefa dan Murnie Hidayah mendakwa notis bertarikh 19 Mac yang dikeluarkan oleh SPRM itu meminta mereka yang mewakili Datuk Shamsubahrin Ismail, supaya hadir di ibu pejabat SPRM Putrajaya pada 23 Mac lepas bagi membantu siasatan kes rasuah pengarah eksekutif NFC Datuk Seri Dr Mohamad Salleh Ismail.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=686919>

